

დღისთვის და საქარტველო



საქართველოს მწერალთა ეროვნული აკადემია * LITERATURULI SAQARTVELO * ЛИТЕРАТУРУЛИ САҚАРТВЕЛО

18 ოქტომბერი, 2013 წ. №66 (3676) ბამოცემის 77-ე წელი ღირსი 1 ლარი

თამაზ ნივნივაძე

ჩემი მიშველადის ახალი ცომეულობები, ახალი ახალი ჰმუნუნ-ჰმუნუნები!

ძვირფასო მკითხველო!

დავინწყით იქიდან, რომ გენიალური გალაკტიონი რეზო მიშველადის დარ პროზაიკოსებზე ზუსტად ასეთი აზრისა ბრძანდებოდა! –

**ჩვენს გაჭირვებულ პროზას
თუ გამოვაკლებთ „ოზას“
და მივუმატებთ „უნუნს“ –
მივიღებთ პრუნუნ-პრუნუნს!**

არადა, როგორც საინფორმაციო საშუალებები იუნწყებიან, ამ დღეებში მკითხველი საზოგადოება მართლაც მიიღებს რეზო მიშველადის 25-ტომეულს, ანუ ამავე ავტორის მიერ 25 წიგნი ჩატენილ, როგორც გალაკტიონი იტყოდა, ახალთახალ პრუნუნ-პრუნუნებს!..

ოღონდ ეს იქნება ხვალ!
დღეს კი ხელთ გვაქვს ამავე ავტორის წერილი: „ამაზრზენი თამაზ ნივნივაძე. შტრიხები პორტრეტისათვის...“



ძვირფასო მკითხველო, ეს იმდენად ბინძური წერილია, რომ მის ავტორს სიტყვიერი პასუხი კი არ უნდა გასცე, არამედ, სადაც გადაეყრები, კარგად უნდა გაასილაქო!

რასაკვირველია, ლიტერატურულად! მაგრამ, სამწუხაროდ, ახლა ისე ვარ საქმით გადატვირთული, ვინმესთვის თავში ხელების საბრაგუნოდ კი არა, საკუთარი თავის მოსაფხანადაც არ მცალია!..

ეს კია, ამასთან დაკავშირებით ჩემი ერთი ადრინდელი მონათხრობი უნდა გაგახსენოთ!

შეიძლება, ზოგს გაგიგიათ კიდევ – კარგი ქუთაისელი და კარგი დამრტყმელი ჟორჟიკა იაშვილი!

ჰოდა, ერთხელაც ამ სახელოვან ვაჟკაცს შუაგულ ქეიფში ერთი ახვარი მიადგა და უთხრა: გინდა თუ არა, გარეთ გავიდეთ და ერთმანეთს დავრტყათო!

და, როგორ გგონიათ, რა უპასუხა ჟორჟიკა იაშვილმა?

– მეტი საქმე არა მაქვს ახლა, ამ საცივსა და ღომს მივატოვებ, უარს ვიტყვი ამ გადაზღვლილ ყველზე და ბაჟზე, ამ თბილ ოთახს დავტოვებ და გარეთ, ამ სიცივისა და ყინვაში, შენ გიბრაგუნებ თავშიო!..

მეც ამ ჭკვიანი კაცივით უნდა ვუპასუხო ბატონ მიშველადეს! –

რეზოია შტერო! მეტი საქმე არა მაქვს ახლა, ახლად აღდგენილი „ლიტერატურული საქართველოს“ გამოცემა მივატოვო, საქართველოს მწერალთა ეროვნული აკადემიის პრეზიდენტის პოსტი მივატოვო, ამავე აკადემიის მრჩეველთა საბ-

ჭოს სათათბირო მივატოვო, გელათის აკადემიის ნამდვილი წევრობა მივატოვო და შენ გიბრაგუნო მაგ ლაყე თავში!

ასეთი სულელი გგონივარ მე შენ?!

თუმცა კი, ბატონო, დავუშვათ და, ცოტა დრო მაინც გამოვნახე და მართლაც ასე მოვიქციე, მერედა, სამსახურში რომ მიკითხონ: წივნივაძე სადააო, მდივანმა რა უპასუხოს – ახლა სადაც აქვე მიშველადეს უბრაგუნებს თავში და, თუ დაიცდით, მალე მოვაო?!

ეჰ, შენს ჭკუაზე იარა ჩემმა მტერმა და დამწყევარმა, რეზოია შტერო!..

ძვირფასო მკითხველო!

გულწრფელად ვამბობ, დრო რომ მქონდეს, მართლაც გულით მინდა, ამ მეორადი მოხმარების ვითომმწერლისა და სააკაშვილის ფაშისტური რეჟიმის ლიტერატურული „მომყოლის“ რეზო მიშველადის ახალ ტომეულებზე, ანუ, როგორც გალაკტიონი იტყოდა, ახალ პრუნუნ-პრუნუნებზე გულიანად გაცინოთ, მაგრამ ამ კაცმა ჯერ ჭკუა უნდა ისწავლოს და ტოლი ნახოს!

აბა, მე რომ მეტოლდება, სიმალღეში ჩემი სხეულის სველ ნერტილებამდე ხომ მაინც უნდა მწვდებოდეს?!

ეგ კი არა, მე იმაზედაც მწყდება გული, კარგი მწერალი, ჯემალ დავლიანიძე დროს რომ აცდენს და მიშველადის ბინძურ „შემოქმედებაზე“ მიჩენილი – ეს აფერისტი და შარლატანი კაცი მკითხველის თვალწინ კუდის რიკამდე რომ გააშვილოს!..

P.S.

და კიდევ, ძვირფასო მკითხველო!
დღეს, ამ საყოველთაო გაჭირვების უამს, ხელმომწერი ნებაყოფილებით (ხაზს ვუსვამ – ნებაყოფილებით!) ხელშეკრულებას რომ გააფორმებს რეზო მიშველადის 25 ტომზე, ანუ, როგორც გალაკტიონი იტყოდა, რეზო მიშველადის ახალ პრუნუნ-პრუნუნებზე, იმ კაცის ოჯახში ექსკურსია არ უნდა მოაწყოს და არ უნდა გაარკვიო – ამ სახლის ადგილობრივი ბინადრები ნორმალურები არიან თუ არა?!

ბოლოს და ბოლოს, ადამიანის სისულელესაც ხომ აქვს საზღვარი?!

საქართველოს მწერალთა ეროვნული აკადემია

„მწერალთა კავშირიდან თოთხმეტი მწერალი გადმოვიბირე, თოთხმეტა კავშირს „მწერალთა აკადემია“ ვუნოდე და სწორედ თოთხმეტა ორგანო იქნება „ლიტერატურული საქართველო“ – მწერალთა აკადემიის პრეზიდენტს „ათქმევენებს“ თავის „უკვდავ“ წერილში „კლასიკოსი“ რეზო მიშველაძე. „ლიტერატურული საქართველო“ ვისი და რამდენი მწერლისაა, აღდგენილმა გაზეთმა უკვე თვალნათლივ დაანახვა თავის მკითხველს, ახლა კი იმ „თოთხმეტის“ გვარებს გთავაზობთ, მარტივი არითმეტიკის უცოდინარმა მიშველაძემ თითებზე რომ გადაითვალა...

საქართველოს მწერალთა ეროვნულმა აკადემიამ ორგანიზაციის საპატიო წევრებად მოიწვია საქართველოს მეცნიერებათა აკადემიის ნამდვილი წევრები. შეთავაზება პატივით იქნა მიღებული და თანამშრომლობაზე დაგვთანხმდა აკადემიკოსთა დიდი ჯგუფი:

1. მწერალი-აკადემიკოსი ჭაბუა ამირეჯიბი
2. აკადემიკოსი ავთანდილ არაბული
3. მწერალი-აკადემიკოსი ბაჩანა ბრეგვაძე
4. აკადემიკოსი თამაზ გამყრელიძე
5. აკადემიკოსი რისმაგ გორდეზიანი
6. აკადემიკოსი გურა კვარაცხელია
7. აკადემიკოსი ჯუმბერ ლომინაძე
8. აკადემიკოსი როინ მეტრეველი
9. აკადემიკოსი მერაბ მერაბიშვილი
10. აკადემიკოსი დავით მუსხელიშვილი
11. აკადემიკოსი აპოლონ სილაგაძე
12. აკადემიკოსი ელგუჯა ხინთიბიძე
13. აკადემიკოსი ელიზბარ ჯაველიძე
14. აკადემიკოსი ოთარ ჯაფარიძე


საქართველოს მწერალთა ეროვნული აკადემია აქვეყნებს საქართველოს მწერალთა კავშირის იმ წევრთა სიას, რომლებმაც თანხმობა განაცხადეს მწერალთა ეროვნულ აკადემიაში განწევრიანებაზე (თანხმობა დადასტურებულია ხელმოწერებით):

15. აბულაშვილი თემურ
16. ავალიშვილი მანანა
17. ამაშუკელი რეზო
18. ამირხანაშვილი ვანო
19. ალბუთაშვილი ცოტნე
20. ამყოლაძე თემურ
21. ანთაძე თამაზ
22. არაბული კობა
23. არველაძე სიმონ
24. ართილაყვა რეზო
25. ახვლედიანი ელზა
26. ახოზაძე ნანი
27. ბადიდი ბაგრატ (ბაგრატ გელანტია)
28. ბათიაშვილი გურამ
29. ბარათაშვილი ლინა
30. ბარამიძე ილია
31. ბასლანიძე აზა
32. ბატიაშვილი ნელი
33. ბაქრაძე ეკა
34. ბაქრაძე ნოდარ
35. ბედოშვილი ლია
36. ბედუკაძე ანდრო
37. ბეზარაშვილი ნინო
38. ბენაშვილი გურამ
39. ბერაია გივი
40. ბესელია ბორის
41. ბოსტაშვილი ვასილ
42. ბრეგვაძე-კახიანი ლალი
43. ბუბუტიშვილი რონა
44. ბუთხუზი გივი
45. ბუკია ციციხო
46. ბულისკერია მანონ
47. გაბელია ალექო
48. გაბროშვილი თამარ
49. გაბუნია დავით
50. გასვიანი აკაკი
51. გეგეშიძე გურამ
52. გვასალია თეა
53. გვასალია ლაშა
54. გვენეტაძე ლია
55. გვერდნითელი გურამ
56. გიგაშვილი ვაჟა
57. გოგნაძე გივი
58. გოგნიაშვილი გერონტი
59. გოგოლაშვილი გიორგი
60. გოდერძიშვილი თამაზ
61. გრიგალაშვილი ნოდარ
62. გრიგოლაშვილი დურმიშხან
63. გუგუციძე ალი

64. გულორდავა ნუგზარ
65. დადიანი ინდა
66. დავითაია ბორის
67. დავლიანიძე ჯემალ
68. დანელია ბათუ
69. დარბუაშვილი შოთა
70. დარსაველიძე ნელი
71. დაუშვილი აკაკი
72. დობორჯგინიძე ჯემალ
73. დორეული ლექსო
74. ებანოიძე ზაალ
75. ენუქიძე ზაზა
76. ერისთავი ანა
77. ერისთავი თამარ
78. ვაშაგაშვილი ჟუჟუნა
79. ვაშაკიძე-გვენეტაძე ლია
80. ვეკუა ჯენეტი
81. ზარნაძე გიზო
82. ზოიძე შოთა
83. თავაძე გიზო
84. თავბერიძე ელგუჯა
85. თანდილავა იაშა
86. თოდუა მაგალი
87. თორია ზურაბ
88. ივარდავა დილარ
89. კალანდია გენო
90. კალანდია ზაურ
91. კალანდია რენე
92. კახაბერი გიორგი
93. კახაბერი დავით
94. კახაძე ლადო
95. კახიძე მედეა
96. კენჭოშვილი ნიკო
97. კეჭალაძე გიორგი
98. კვანტალიანი შარლოტა
99. კვაჭანტირაძე გიორგი
100. კვაჭანტირაძე თამაზ
101. კვეკვესკირი ინდიკო
102. კვერენჩილაძე რევაზ
103. კობერიძე კარლო
104. კობერიძე ნოდარ
105. კობერიძე ნუგზარ
106. კობიაშვილი გულო
107. კუდბა ანზორ
108. ლეზანიძე ელგუჯა
109. ლობჟანიძე დიმიტრი
110. ლომიძე თამარ
111. მალაზონია ლევან
112. მამა ილია (ჩიკვაიძე ნუგზარ)
113. მამარდაშვილი ნათელა
114. მამულაშვილი ზურაბ
115. მამფორია ნინო
116. მარლია ელგუჯა
117. მასხულია ლანდა
118. მასოვი მირზა
119. მაცაბერიძე ბონდო
120. მეგრელიშვილი ავთანდილ
121. მედულაშვილი ზეზვა
122. მესხი რობერტ
123. მეტრეველი გიორგი
124. მეტრეველი თამაზ
125. მეხრიშვილი ჯემალ
126. მიროტაძე ვაჟა
127. მიქაუტაძე ამირან
128. მიქელაძე მანანა
129. მოლაშხია ზაურ
130. მოსაშვილი ვალერიან
131. მრეველიშვილი ზაზა
132. მჭედლიშვილი ლილი
133. ნადარაია ფაუსტ
134. ნამორაძე ალექსი
135. ნაჭყებია რევაზ
136. ოტობაია გური
137. პაპიაშვილი თამარ
138. პაჭკორია თამაზ
139. უიჟილაშვილი ნოდარ
140. ყორდანია ხათუნა
141. რაინაული ფარნაოზ
142. რცხილაძე ვიქტორ
143. საბაშვილი შალვა
144. საჯაია სერგი
145. სვანიძე თენგიზ
146. სივსივაძე ბეჟან
147. სიყმაშვილი თინათინ
148. სიხარულიძე გივი
149. სომხიშვილი გივი
150. ტაბიძე ნოდარ
151. ტოგონიძე გუგული
152. ტოგონიძე შოთა
153. ფანჩიძე ლევან
154. ფირცხალაიშვილი ზურაბ
155. ფიფია დარეჯან
156. ფხოველი ჯარჯი
157. ქადაგიძე ნუნუ
158. ქავთარაძე შოთა
159. ქარდავა ნანა
160. ქაჯაია ეკა
161. ქეპურია გიორგი
162. ქოიავა ჭაბუკი
163. ქორიძე თემურ
164. ქუთათელაძე ნინო
165. ღვინეფაძე ნანა
166. ყაჭყეშვილი იუზა
167. შავლაძე თემურ
168. შაიშველაშვილი თამარ
169. შალაშვილი ცირა
170. შანიძე ნოდარ
171. შერაზადიშვილი უჩა
172. შოთაშვილი გულნარა
173. შონია ჯემალ
174. ჩადუნელი თამაზ
175. ჩიტიშვილი მანანა
176. ჩორდელი ვაჟა
177. ჩხაიძე ავთანდილ
178. ჩხაიძე თენგიზ
179. ჩხიკვაძე ვანო
180. ჩხიკვიშვილი ნინო
181. ცერცვაძე თემურ
182. ცეცხლაძე მამუკა
183. ციგროშვილი ირაკლი
184. ძამუკაშვილი ნუნუ
185. ნაქაძე ზაურ
186. წერეთელი ნუგზარ
187. წიგნივაძე თამაზ
188. წითელაშვილი ნანა
189. ჭავჭავაძე ლია
190. ჭანტურია მურად
191. ჭარბაძე ნატო
192. ჭეიშვილი გონერი
193. ჭეიშვილი რეზო
194. ჭელიძე ჯემალ
195. ჭილაშვილი ქეთევან
196. ჭოლოკავა-ძიძიგური მურად
197. ჭუმბურიძე დოდო
198. ჭუმბურიძე ზურაბ
199. ხავთასი ტარიელ
200. ხარაიშვილი ავთანდილ
201. ხარანაული ბესიკ
202. ხარანაული გოჩა
203. ხარჩილავა ვახტანგ
204. ხაჯიშვილი ჟუჟუნა
205. ხელაია ნაზი
206. ხერგანი მირონ
207. ხიმშიაშვილი დოდო
208. ხმალაძე თამაზ
209. ხმალაძე მარინა
210. ხოდაშენი შოთა
211. ხუნდაძე ნოდარ
212. ჯავახიშვილი თამარ
213. ჯაფარაშვილი ლალი
214. ჯაფარიძე სიმონ
215. ჯაყელი ჯემალ
216. ჯაჭვაძე თამარ
217. ჯახუა გივი
218. ჯინჭარაძე ვალერი
219. ჯინჯოლია აპოლონ
220. ჯიქია შუკო
221. ჯიჯეიშვილი მაია
222. ჯულუხიძე ციციხო

(გაგრძელება იქნება)

ჩენარად, ჩარსულთ, ჩენარად!



გიორგი ხარაბაძე

ყველანი ჩვენი ბავშვობიდან მოვდივართო, – დაახლოებით ასე წერდა სახელოვანი ფრანგი ანტუან დე სენტ ეკვიპერი. რალა თქმა უნდა, ჩვენ-ჩვენი ბავშვობიდან მოვდივართ, მაგრამ ხანმოთეულ, დროულ ადამიანებს პირიქით ემართებათ, ჰგონიათ, რომ ბავშვობისკენ მიდიან.

რალა დაგიმალეთ და მეც ასე მგონია.

ამქვეყნიური სამოთხე თუ სადმე არსებობს, ეს ბავშვობაა, ბავშვობის ხანა, სადაც არის უკვდავება, სიცოცხლე და ბედნიერება. ჩემი ბავშვობის საფანეში მივდივარ, ჩემს სამოთხეში.

იქ იყო სოფელი და ქალაქი, ორი პოლუსი, რომლებიც ერთმანეთს

არაფრით ჰგავდნენ, მაგრამ ორივე იყო ძალიან ძვირფასი და მშვენიერი.

სოფელი ანთოსივით ვერ მაძლევდა უშრეტ ძალას, მაგრამ ვგრძნობდი, რომ იქ იყო მინა, რომელიც სუნთქავდა; საფანელი, რომელიც სიკეთეს შთამაგონებდა.

აქ იყო ქალაქი, მინის ალტერნატივა, ანალიზისა და განსჯის ალაგი, სადაც მთავარ ფილოსოფიას ურთიერთობა, ადამიანური კონტაქტები წარმოადგენდა.

ეს იყო ჩემი სამოთხის ორი მხარე, სიცოცხლის ორი მდინარე.

„ძალდი კოჭლობით არ მოკვდება“...

ვანიდან დასავლეთით, დაახლოებით ათ კილომეტრზე მდებარეობს სოფელი ინაშაური. სხვათა შორის, ჭყვიშიც ვანის რაიონია, საოცარი ადგილმდებარეობისა და სილამაზის ადგილი.

ამ სოფლიდან არიან წარმოშობით მამარჩიძე და მისი წინაპრებიც.

ომის შემდეგ, – რა თქმა უნდა, დიდი სამამულო ომი მაქვს მხედველობაში, – ყველაზე გაჭირვება იდგა.

ჩაგვსხამდნენ ბავშვებს ზაფხულში „სოიუზტრანსის“ ტენტიან ავტობუსში და წაგვიყვანდნენ სოფელში.

ინაშაურის გორიდან, სადაც სოფლის სასაფლაოა და სადაც განისვენებენ ჩემი ბებია და ბაბუა, რომლებიც, სამწუხაროდ, არასოდეს მინახავს, ირგვლივ თუ მიმოიხედავ, გაშტერდები სილამაზისგან – კაკაბაძის პეიზაჟებით არის თითქოს მოფენილი იქაურობა.

ხარაბაძეებს მთელი უბანი უკავიათ.

ბაბუაჩემის ნამოსახლარზე ორი სახლი იდგა და ახლაც დგას: ერთი ბაბუასეული და მეორე ბიძაჩემისა.

ბიძაჩემი ალექსანდრე, როგორც სოფელში ეძახდნენ, საშა (რავარია იმერეთი!), არაჩვეულებრივი კაცი იყო, მასწავლებელი, განუწყვეტლივ აბოლებდა გაზეთში გახვეულ თუთუნს, თვითნაკეთ პაპიროსს სველი ბოლოთი. გამხდარი, წყნარი – ასეთი შემორჩა ჩემს მესხიერებას.

„ბანტიანი“ გიტარა პირველად მის სახლში ვნახე, ბიცოლაჩემი ანიკა (რავარია იმერეთი!) – საშას მეუღლე ამღერებდა...

„დედამ კაბა შემიკერა, მოაყოლა არშიაო, გათხოვება რომ ვუხსენე, ქე გამაგლო კარშიაო.“ ან „ერთხელ მხოლოდ, ისიც ძილში, ქართველ ქალთა ვნახე კრება, გევიცვებით, მათი ნახვა დღესაც ძლიერ მენატრება.“

თავისუფლად, ლაღად ვგრძნობდი თავს. გრძელი წკნელით, ფეხშიშველი, ბიძაშვილებთან და მეზობლის ბავშვებთან ერთად ხან ძროხებს დავდევი და ხან ერთადერთ ბურთს – ქალაქიდან ჩატანილს.

ბიძაჩემს ჩემთვის მოკლეთარინი პატარა თოხი ჰქონდა დამზადებული. თოხის ქნევა ვის უყვარს, რომ მე მყვარებოდა – რუსთაველზე გაზრდილ ბიჭს?! ბიძაჩემი თოხს კი მახვედრებდა, მაგრამ თან მიცოდებდა და, რა თქმა უნდა, არ მამუშავებდა.

ერთ საღამოს ჩვენი ოჯახის მამაკაცები უკლებლივ ყველანი აიშალნენ და გამართნენ სათოხარში, ეზოს გვერდით მდებარე მომცრო გორაკისკენ, სადაც პატარა სიმინდის ყანა ბიბინებდა; მე სათვალავში არ ვერიე.

ეს ჩემი თბილისური ღირსების შელახვას ნააგავდა. ქალაქელების სახელით დავავლე ჩემს პატარა თოხს ხელი, გავიდე მხარზე და მეცამეტე გოჭივით ავედევე ხარაბაძეებს.

შევედით ყანაში, ჩავდექით მწკრივში. მე საპატიო ადგილი მერგო ბიძაჩემის გვერდით. დაინწყეთ თოხნა. გამალეული ვუბაყუნებ თოხს, არ მინდა, ჩამოვრჩე ბიძაშვილებს, ბიძაჩემს. საქმე კარგად მიდის, სადაცაა, ბოლოში გავალთ, მაგრამ სწორედ აქ იჩინა თავი გამოუცდელიობამ და დროებითი წარმატებებით ალტკინებულმა ფეხის თითის პირველ სახსარში ვითხოვე თოხი. ხომ ვითხარით, რომ ფეხშიშველა ვიყავი – თითის წვერი გადაიხსნა და ჩამოეკიდა, იფეთქა სისხლმა...


შეჩერდა თოხნა...

ყველა შეშინებული უყურებს ჩემს თითს, თოხს და, რა თქმა უნდა, ბიძაჩემს.

საშამ დინჯად ამოიღო ჯიბიდან ალუმინის თვითნაკეთი „პორტსიგარი“, გახსნა, თუთუნის მოსრისა და დამაყარა ჭრილობაზე. სისხლისდენა შეჩერდა...

„არა უშავს, ბიძია, ძალდი კოჭლობით არ მოკვდება!“ მითხრა წყნარი ხმით და მშვიდად გააგრძელა მუშაობა.

ვატალო



ჩემს ბავშვობაში ძალიან მოდაში იყო „შატალოზე“ სიარული. „შატალო“ გაკვეთილების გაცდენას ნიშნავს.

მე არ მიყვარდა ეს „შატალო“, რადგან დროს ისე კარგად, როგორც სკოლაში – თანაკლასელებთან, უფროსკლასელებთან და, წარმოიდგინეთ, მასწავლებლებთან – ვერსად ვატარებდი, მაგრამ რალაც „კაცური“ რეპუტაციის გასამყარებლად, იმის დასამტკიცებლად, რომ არაფრის არ გეშინია და ამაზე წამსვლელი „მასტი“ ხარ, მაინც აუცილებელი იყო წელიწადში რამდენჯერმე ამ ნაბიჯის გადადგმა. თავიდან პირველ ვაჟთა სკოლაში შემეყვანეს. გოგონებისა და ბიჭების გაერთიანება რომ დაიწყო, რატომღაც, არ ვიცი – შეიძლება მაშინვე შეამჩნიეს გამოცდილმა პედაგოგებმა ჩემი გამორჩეული სწრაფვა სანინალმდეგო სქესისადმი – პირველ ქალთაში გადამიყვანეს, რომელიც ცოტა ხანში, ასევე გაუგებარი მიზეზებით, 47-ე სკოლად მონათლეს.

ეზოში უზარმაზარი ჭადარი და პატარა ეკლესია იდგა. იქ ფიზკულტურას გვიტარებდნენ. აი, ამ გაკვეთილებს კი სულ ვაცდენდი, არ მიყვარდა და როგორ გავიხარე, როცა ათეული წლების შემდეგ გენიალური მარინა ცვეტაევას ფრაზა წავიკითხე: „Физкультура – это трата времени на трату сил“.

ჩემი სკოლა ჩიტაძის ქუჩაზე, ახლანდელი საგარეო საქმეთა სამინისტროს, იმხანად პარტიული სკოლის – ახლა არ მკითხოთ, რომელი პარტიის – მაშინ, საბედნიეროდ თუ საუბედუროდ, ერთი პარტია იყო – შემდეგ კი კიბერნეტიკის ინსტიტუტის შენობის პირდაპირ მდებარეობდა.

სკოლიდან თუ გაიპარებოდი, ან მაღლა, მთანმინდაზე უნდა ასულიყავი, ან დაბლა – რუსთაველზე დაშვებულიყავი.

თუ მთანმინდისკენ ნახვიდოდი, პირდაპირ ილიას, ვაჟას, ბარათაშვილის სამუდამო განსასვენებელს გადაწყვეტდოდი. გალაკტიონს რომ მიასვენებდნენ, ჩვენ სკოლას ვამთავრებდით. იმ დღესაც „შატალოზე“ ვიყავით და მთანმინდიდან ვუცქერდით, როგორ მოჰყვებოდა მის კუბოს სერპანტინით დახვეულ აღმართზე მთელი საქართველო. დიდებული სანახავი იყო ეს მსვლელობა.

დაბლა თუ დაეშვებოდი, ჯერ საქართვე-

ლოს კომუნისტური პარტიის პირველი მდივნის კაბინეტს, ახლა რომ უშიშროების მინისტრი ზის, ჩაუქროლებდი, მერე პიონერთა სასახლესა და მინისტრთა საბჭოს შუა გაივლიდი და პირდაპირ კინოთეატრ „რუსთაველს“ მიადგებოდი.

იქ ვეზიარეთ ომისშემდგომ ე.წ. „ტროფეინი“ ფილმებს პირველად. ბლეთი სულ რალაც ოცდაათი კაპიკი ღირდა, თუმცა კონტროლიორები ხანდახან უბილეთოდაც გვიშვებდნენ ბალღებს.

იყო მესამე გზაც. სკოლის ეზოდან ეგრეთ წოდებული უკანა კარიდან თუ გაიპარებოდი, ბესიკის ქუჩაზე ბაღში აღმოჩნდებოდი. ახლა ამ ბაღში დიდი საბას ძეგლი დგას.

დილაა. პირველივე გაკვეთილს ვაცდენ რამდენიმე მეგობართან ერთად.

გაზაფხულია.

მთანმინდიდან ნიავს ახლად აყვავებული ნუშისა და გარგარის ყვავილის გამაბრუნებელი სურნელი მოაქვს.

თბილა.

„მანონი... მანონი...“ ჩაიარა რუხი ბრეზენტისგან ხელით შეკერილი დიდი ჩანთებით ახორხილმა კოფრემამ მემანწენემ. ამ ქალს პირველად არ ვხედავ, ყოველ დილით დადის აქ და მყუდროებას არღვევს...

სინყნარეა...

პურის მალაზიაში კანტიკუნტად შედიან მთანმინდელები.

ჩვენ გრძელ მწვანე სკამზე ვსხედვართ და უდარდელად ვენევიტ სიგარეტს.

არანაირი აზრები არ აწუხებს და აშფოთებს ჩვენს გონებას. არადა, რთული პრობლემა გვაქვს გადასანყვეტი: ქვევით დავემვათ თუ ზევით ავუყვით?

ამ დროს გაისმა ყვირილი, ღრიალი – რაც გინდათ, ის დაარქვით...

„ჩემი ინსტრუმენტი...“

„ჩემი ინსტრუმენტი სად არი, ტო... მოვეკლავ... დამიბრუნეთ ჩემი ინსტრუმენტი, თქვე უნამუსოებო, ხალხი არა ხართ?“

– ეს ყორიკა არ არი? – იკითხა მალხაზმა.

– ჰო, ის არი, ნასვამია? – შოთაც დაბნეულია.

– ნასვამი კი არა, გაგლეჯილია, ვერ ხედავ?

ასე ადრინადად სად მოასწრო?!

მე ყორიკას არ ვიცნობ. ჩემს წარმოდგენაში ინსტრუმენტი ვიოლინო, როიალი და ვიოლონჩელოა და ამიტომ, ბუნებრივია, ამ თავგანწირული ღრიალის გაგონებისას რომელიმე ცნობილი მუსიკოსის ან კონსერვატორიის სტუდენტის გამოჩენას ველი.

ამ დროს ყორიკაც მოგვიახლოვდა.

– ეს ვინ არის? – ვიკითხე მე. არაფერი მიპასუხეს.

– ბიჭებო, მიშველეთ, ჯიგრებო, ჩემი ინსტრუმენტი... უთხარით, სთხოვეთ, დამიბრუნონ, დავიღუპები უიმისოდ... დავიღუპები...

– სად არი ინსტრუმენტი, ყორიკ, სად?

– რა ვიცი, ნუხელ აქ შუხური იყო, ჩვენები და სოლოლაკელები... ერთი შემოვარდა, ამ უბნელია, სიფათზე ვცნობ... ინსტრუმენტი მთხოვა, მათხოვეო, წავიდა და წავიდა, მთელი ღამე არ მეძინა, ველოდი, ველოდი... არ მაიტანა... არ მაიტანა... დავიღუპე, დავიღუპე... ბი ჯე ბი ო... ჩემი დანა... ჩემი კუკლა, ტარზე შავტყავადაკრული დანა სად არი?

– ვინ არი ყორიკა? – მეორედ ვიკითხე მე.

– შენ კიდე რა მოგივიდა, ამ უბნელი საპოფნიკია. ■



- ღრუბელი – ქარის ნაცემი, ცა – ერთი თავით მაღალი და მთვარე გამოკვერილი ქართველი ღმერთის ნამგალი.

სად გუშინდელი ღელვა და სად დღევანდელი ავდარი, ყვეს სულის სევდა-მორევში მზე კოჭებამდე ჩამდგარი.

გზა – გაცვეთილი მუხლამდის, ბოლო სიზმარი მაცხოვრის, გული – გასული ყუაზე და სინანული ნაცნობი.

ტანი – ჟრუანტელაყრილი, მზერა – დაცლილი ბოლომდის, ტირის ჩავლით თუ ჩაფრენით ცას აცდენილი ფოთოლი.

ღრუბელი – ქარის ნაცემი, ცა – ერთი თავით მაღალი და მთვარე გამოკვერილი ქართველი ღმერთის ნამგალი.

- გვიცნობენ? არა, გვცნობენ, შორი მზე აღმაცვრობს, ცელქობს საათი მაჯის, ჩამორჩეს? არ არსებობს.

ნავიდნენ? არა, მოვლენ, ჩემი სიტყვის თუ გჯერა, მზეც მოვა ცხრავე თვალით და მთვარეც თვალეჭრელა.

ველოდოთ? არა, ლოდინს უყვარს გულების ხეთქა, მერე სინანულს მივცეთ, რაც სიხარულმა ვერ თქვა.

მივსდიოთ? არა, მოგვსდევს ბედი კოჭლობით, ფორთხვით, ბავშვობის მიწურულზე ცეცხლთან თუ თამაშობდი.

გვიცნობენ? არა, გვცნობენ, შორი მზე აღმაცვრობს, ცელქობს საათი მაჯის, ჩამორჩეს? არ არსებობს.

- ნუხელ სიზმრებმა გნახეს პირიქით, ფეთქავდა სულში მზე ჩაკუჭული, რა პატარაა სამყარო თურმე, სივრცეში ჭკნება ქარის ჩურჩული.

ხმელი ღრუბელი ცას აჩუქურთმებს, ყველა სიხარულს გულისთქმა ეწვის და, როგორც ქარში ნაცემი ზარი, დაღლილი სულიც ჰკიდია ბენჯზე.

- ჭოტის ექო ქარის სიზმრებს ლექსავს და ხეებზე თეთრი ცეცხლი ბლავის, სხვისი გზები გაფრენილან უკვე, შენი დარდი სათქმელადაც არ ღირს.

ხავსნაჭამი ნანგრევები სიტყვის ზედ აყრია მშრალი ტუჩის ყორეს, სხვისი გზები გაფრენილან უკვე, მოდის უკვე შენი სიმართოვეც.

- სადაც გზები, იქაც შენი გასავლელი, სული დაგაქვს ყველა ცისკრის გასაღები, გასამდები, ცის გუმბათზე დასახლდები, ღმერთის ცრემლი გაგიხდება დასალევი.

სხვას რას ელი, გემატება წლებზე წლები, ერთი-ორი ტკივილი გაქვს გასაძლები, დამარცხდები? ერთხელ ყველა დავმარცხდებით, ფრთა გაშალე, ჯერ ცა არის ნასაქცევი.

- ვერ გამიგია, რისთვის, ვერც ის გავიგე, რატომ, მზე ამოდის და ჩადის და მე აქ დავთამაშობ.

ჩემი შენ გითხრეს (დღემდე), ვერ გამიგია რისთვის, ნუთი მაკლდება ბოლო, დრო გახდეს საკმარისი.

ისეც არ მინდა, უცებ ჩაქრეს მორევი სისხლის, ვერ გამიგია, რატომ, ვერც ის გავიგე, რისთვის.

- ქარმა წაიღო ხმაური პეპლის, სულში გაიდგა ფესვი სიცივემ, პირველი თოვლით დაჭრილი ღამე მხრებიდან კანკალს ველარ იცილებს.

გამხმარ ხეს ისევ ფეხებთან უწევს ზამთრის ცა – ცივად ჩამოფანტული, გათენებულა და გულის ფეთქვა ამ ფიფქებივით როგორ მატულობს.

ფოთლებს უხდებათ ხმელი ბარბაცი, აენვა ქალაქს გზები ტიტველი, დღეს ბელურებმა ფრთებში ჩაიდნეს გაბერნებული თოვლი პირველი.

ქარმა წაიღო ხმაური პეპლის, სულში გაიდგა ფესვი სიცივემ, პირველი თოვლით დაჭრილი ღამე მხრებიდან კანკალს ველარ იცილებს.

- კოკა გაუტყდა ღრუბელს, გადაიღელა მკერდი, ცრემლი გაექცა თავქვე, ცრემლი მომისვა გვერდით.

გადაყოლია თქარუნს გაუხედნავი ხევი, ელავს და თითქოს ბევრგან ცა არის დასახევი.

გამოიდარებს სულში, გაღმა დატოვებს ნარიყს,



ლევან ზარიძე

ღრუბელი მიყვარს ქარის ჩემი ბედივით წყნარი.

კოკა გაუტყდა ღრუბელს, გადაიღელა მკერდი, ცრემლი გაექცა თავქვე, ცრემლი მომისვა გვერდით.

- მოგონებები გართობს, ხსოვნას არ უყვარს ფიქრი, ნეტა, რა უნდა იყოს ანდა ვინ ამ ცის იქით.

როცა ცალფეხა კაცის ნაბიჯს მზის სხივი ტკეპნის, დაიმახსოვრეთ, ძმებო, მკვდრებს სტკივით არაფერი.

იქნებ, დროებით მოსულ ფოთლებს არ ესმით შენი, რა გაუნყალე გული ქარდაქარ თამაშებით.

მოგონებები გართობს, ხსოვნას არ უყვარს ფიქრი, ნეტა, რა უნდა იყოს ანდა ვინ ამ ცის იქით.

- ქარში ხმაური სიჩუმეს უდრის, ბოლოს მუნჯდება ყველა საყვირი, ველარ ვუყურებ გახელილ თვალით ღიმილთან ერთად დამჭკნარ საყურეს.

ქარში სირბილი – გიჟების დოლი, ბოლოს კოჭლდება ყველა ნაბიჯი, აი, წელანაც გადაინივლეს, ვერ დაენევი, თუ არ გაგიჟდი.

- ნეტა გცოდნოდა მეტი, ვიდრე “ანი” და “ჰოე”, რას ემართლები ახლა გაფრენილ საღამოებს.

ჩუმად გცოდნოდა შენტვის ბოლო სიზმარი ღმერთის, სულის კედელზე როცა ბრდღვიალებს სამსჭვალეთი.

ერთი გქონოდა ნეტა ცისკენ ბილიკი ჭრელი, ჩაილოცებდი ფიქრებს ნისლების დამაჭრებით.

ნეტა გცოდნოდა მეტი, ვიდრე “ანი” და “ჰოე”, რას ემართლები ახლა გაფრენილ საღამოებს.



გოლერძი ჩოხელის „ნაკვალევს“



„კაცი კარგად რომ დაუფიქრდეს, ჩვენს სამშობლოში ერთ მთლიან მუზეუმს ამოიცნობს. მუზეუმს, რომლის ყოველ კუთხე-კუნთულში უნიკალური ექსპონატებია მიმოფანტული.“

კიდევ უფრო მეტად თუ ჩაუკვირდება, იმასაც აღმოაჩენს, რომ ყოველდღიურობაში ღრმად ჩაფლულნი ამ მუზეუმის მხოლოდ ერთ ოთახს ვტყუპნით და იშვიათად, რომ მისი დატოვება მოგვიხდეს.

ამ პატარა ოთახში მოფუსფუსეთაგან უდიდეს ნაწილს სურს, მოიაროს მთლიანი მუზეუმი, მაგრამ „გარკვეული პრობლემების გამო“ სურვილი სურვილადვე რჩება. დანარჩენ მოფუსფუსეთა აზრით კი – სულ არ არის აუცილებელი თითოეული ექსპონატის საკუთარი თვალთ ნახვა – მათი მონიტორზე მონახულებაც საკმარისია...“ – ასე წერია შესანიშნავი, კულტურულ-შემეცნებითი მიზანდასახულობის ორგანიზაციის – „ნაკვალევი“ – facebook-ის ვებგვერდზე. და, რაც მთავარია, „ნაკვალევის“ წარმომადგენლები ყველა



კავშირებით, „ნაკვალევი“ გადაწყვიტა, საზოგადოებისთვის ორიგინალური და მეტად შთამბეჭდავი ტური შეეთავაზებინა.

ორგანიზაციის წარმომადგენლები დაუკავშირდნენ ცნობილ ახალგაზრდა პოეტებს და სთხოვეს, ტურის ბოლოს

გაემართათ პოეზიის საღამო, რომელიც მიეძღვნებოდა გოდერძი ჩოხელის ამ დიდ, წინასაუბილეო თარიღს.

„ნაკვალევი“ ტურში მონაწილეთათვის ჩატარა ინტელექტუალური თამაში: „ლიტერატურული რა? სად? როდის?“. მანამდე კი მათ საშუალება მისცა, მოე-

ნახულებინათ გოდერძი ჩოხელის საფლავი. შემდეგ მონაწილეები ეწვევნენ გოდერძი ჩოხელის მშობლიურ სოფელ ჩოხში არსებულ სკოლას, რომელსაც საჩუქრად გადასცეს უამრავი საინტერესო ნიგბი – როგორც კლასიკური, ისე



თანამედროვე ლიტერატურა.

გზად საშუალება მოგვეცა, გვეცქირა გუდამაყრის უღამაზესი ბუნებისთვის - შემოდგომას ხომ განსაკუთრებულად შთამბეჭდავი ხედები იშლება საქართველოს ამ რეგიონში.

სულ ბოლოს კი, დაპირებისამებრ, სახელდახელოდ ანთებულ კოცონთან ახალგაზრდა პოეტების: ლევან მისურაძის, დიმიტრი ბახუტაშვილის, გეგა ოდიშელის, გიო ლაცაბიძის და ლექსო დორეულის – პოეზიის საღამო გაიმართა.

გაჰყევი „ნაკვალევი“ – ის მომავალშიც მრავალ შთამბეჭდავ სასახაობას გაპირდება.

მარიამ თეთრაძე



ლონეს ხმარობენ, ადამიანები, რომლებიც იმ „ერთ ოთახს ტყუპნიან“, გარეთ გამოიყვანონ და საშუალება მისცენ, იმოგზაურონ საქართველოს სხვადასხვა კუთხეში, მონახულონ იქ გაბნეული ღირსშესანიშნაობები და გაეცნონ ჩვენი ქვეყნის ისტორიულ წარსულს.

ერთ-ერთი ასეთი ტური, რომელიც „ნაკვალევი“ დაგეგმა, ტრადიციული – შემეცნებითი და ესთეტიკური მნიშვნელობის გარდა, სხვა დატვირთვისაც ატარებდა. ხსენებული ორგანიზაციის წარმომადგენლებმა გადაწყვიტეს, გამომხაურებოდნენ ცნობილი ქართველი რეჟისორის, პროზაიკოსის, პოეტის... გოდერძი ჩოხელის საიუბილეო თარიღს. საყვარელ შემოქმედს, რომ არა მისი უდროო გარდაცვალება, 2 ოქტომბერს 59 წელი შეუსრულდებოდა...

ამ საყურადღებო მოვლენასთან და-



ლექსო დორეული

წელი ბუაძე – ჩემი ქართულის მასწავლებელი...



წელი ბუაძე – ჩემი ქართულის მასწავლებელი. მუდამ მხნე და ამაყი, გულით რომ დაატარებს შენს ჩუმ სიყვარულს.

დიდი, ფიქრიანი, ნაღვლიანი თვალები – სამყარო ადამიანში, ადამიანი, როგორც მიკროკოსმოსი...

წელი ბუაძე – უღამაზესი ქალბატონი და ჩემი მოსიყვარულე დედობილი – ზის თავის კაბინეტში, ხელში გადაშლილი სულხან-საბას „ლექსიკონი ქართული“ უჭირავს და მელოდება. მჩუქნის. მე ძალიან მიხარია. თან ვიმორცხვებ. „ოჰ, ნუ იცი ხოლმე, კაცო, მინდა და გჩუქნი!“ – მეუბნება თავისებურად... მისი ხმა – ბროლის ტკბილი სევდა – ქვაში გამოკვეთილი მოძრაობა...

წელი ბუაძე – ქარში სივრცის მირაჟის გაელვება – მიდიხარ მასთან, ორი ნაბიჯიც და... შეხვედრის წამი მოიცავს სივრცეს... მარადიული ანწყობა... უახლოვდები მასში მელანივით ჩაღვრილ სინათლეს და „თოვლია შენში“. თოვლი ეს ინტუიცია... ეს სიყვარული კი გასროლილი ტყვიის მიდევენება...

სასწავლო წელი დაიწყო. უკვე 2013 წელია. 23-ე სკოლის კარს ადებ, როგორც წინათ. იქ აღარ ასწავლის, წამოვიდა...

აღარც შენ ხარ მოსწავლე და არც ის მასწავლებელი. მაგრამ გულში ანთებული ღიმილი ტუჩებზეც წვება – ჰარმონია ყოველთვის მარადიულია – საგნებს ქაოსით აწესრიგებ. თვალებს ხუჭავ და ფიქრში აგნებ – ის სკოლაშია და გელის. ზის თავის მაგიდასთან, ნაღვლიანი. ხელში „ლიტერატურული საქართველო“ უკავია. შენ შედიხარ ოთახში. „ლექსო, სად დამეკარგე, ბიჭო, როგორ გამახარა გაზეთმა, სად დაიკარგე, ბიჭო“.

ის ისევ ჩემი მასწავლებელია. მუდამ თავზე მადგას, როგორც მეტაფიზიკური რედაქტორი – მტუქსავს, საშუალებას მაძლევს, მოვანყო „გაქცევა საკუთარი თავისკენ“.

ვფიქრობ, როგორ ვერ მოვინახულე ამდენ ხანს. აი, იქით კვირაში უსათუოდ მივალ მასთან სახლში!

„დრო არასოდეს არ არის ცოტა და არც ბევრი, ის ყოველთვის საკმარისია, უკმარია მხოლოდ სურვილი... ღრმა ნუთი, ჭასავითაა, როცა გიყვარს, ისე ლივლივებს...“

ახლა გაზეთი მიჭირავს – დრო და სივრცე ერთ ნერტილში იკვრება – შეხვედრა ფურცელზე, შეხვედრა მკითხველის თანდასწრებით.

აქ უერთდება სკოლის ქუჩას ჰაერის ნაცრისფერი ნაკადი, აქ, მეხსიერებაში.

წელი ბუაძე – ჩემი გენიალური ქართულის მასწავლებელი, დიდი ადამიანი და მეცნიერი...

მე ის ძალიან მიყვარს.

„და სულ ესაა... სულ ესაა... სულ, სულ...“



კარლო კობერიძე

დასაწყისსა და დასასრულს შორის

სცადე და გვერდზე ვერ გაუხვიე და არც გახედვა გინდოდა გვერდზე, ერთფეროვნების გაუსხავს წუხილი და საშველს ბედის წყალობით ეძებ, დღეები ისე ჰგვანან ერთმანეთს, არ დაგაეჭვებს მსგავსება წამით – ლოლუები რომ მზეში წვეთავენ ანდა ფოთლებზე მოგორავს წამი. სულ ერთს იყავი გაკრული გზაზე, არ იცვლებოდა დრო და ფერიცა, მიზეზად ამის, არ ჰქონდა აზრი, ოცს გადმოსცდი თუ ოთხმოც წელიწადს და უიმედოდ გიჩნდა ყოველი, ზღვარი არ ედო ძველსა და ახალს, მიდამო ესე ერთხელ მოგველო, ვერ აგანთებდა მეორედ ნახვა. ვთქვათ, იანვარში თუ არ იელვა და უდროოდ დროს არ მოსკდა თქორი, სხვაფერად დაგრჩება სიცარიელე, დასაწყისსა და დასასრულს შორის. ბუნება არ ცნობს სხვაწაირ ნათელს – ჩვენც ნაშიერებს თავზე ვეველებით, ამქვეყნის მეტი თუ არა გვემართებს, რაღა ჩვენა და რა ცხოველები!

*** 2003-2012

არ გეგონოთ ამოვარდნა და ბუბუნი ქართა – ეს ოხვრაა მირონცხებულ ჩვენთა წინაპართა და ამ წვიმის გადაღების ლოდინით რომ ვცდებით – ეს ცრემლია დატირების, წინაპართა ცრემლი. და მგონია, არც მოფიქვების და არც თოვლის იცით – წინაპართა ჭაღარაა, რომ იგლეჯენ სიმწრით. რაკი გვიჩინავს (ჩემგან რატომ გესწავლებათ ესეც) – ეს გვიშენენ სეტყვას, იქნებ, წამოგვეყარონ ზეზე ანდა, იქნებ, გაგვადვილონ ჭექა-ქუხილითო, ამ ყინვაში ჩვენ ცეცხლზე რომ ხელებს ველარ ვითბობთ, ზურგს და გვერდებს გვიჭრებენ ელვის მათრახებით, ღმერთი ნელდად ველარ გვაქცევს, უმონყალოდ ვხმებით, რა ნამუსით ახსენებთო დიდგორსა და შამქორს, როცა ხედავთ, უცხო თესლი რა აშკარად გაქრობთ, თვალდათვალ რომ დაგელიათ ისეც ციციქნა ეზო და დედლობით ველარ არჩევთ მტერს და მოკეთესო.

ვიოლინო

1. შაშვის მესმის, ტოროლასიც, ცოტა – ვიოლინოსიც, მინდორ-ველის, ყანის მკითხეთ და აპრილის მიმოსვლის, ხარ-კამეჩის, ურა ცხენის და საღვინე ყურძენის,

ამ დაწყებულ წუთისოფელს ამდენს როგორ ვუძლებდი, მოფიქვულზე კვლები ჩანან თეთრად გადახსნულები და, ერთმანეთს რომ სახელით გვანან გაზაფხულები, გინდ ყოფილა დრო შოშის, თუნდაც მერცხლის მოფრენის, არც ორლობე ორლობეს ჰგავს, აღარც სოფელს – სოფელი, საღამომდე სილამაზის მადლს და სურნელს მივები – მადლობა ღმერთს, ჯერჯერობით იებს ჰგვანან იები.

2. მზემ რა პირი დაიბანა, ზეცაც გადაისარკა და მეძახის ვიოლინო გაღვიძებულ ტყისაკენ და ყვავილთა ჟრიალში საბოდიშოდ ვერევი: ამ ყველასი რომ არ ვიცი სახელი და ფერები. ჩანს, ფათალო საახალწლოდ წიფელს მწვანით შემოსავს და ფულურო აყვავებულ იებს ატანს გემოსა და ჩრდილების დაგრძელება დროს მანიშნებს წამოსვლის, მაგრამ შაშვი ჯერ არ მიშვებს, არც ჩხრიალი წყაროსი, მზე ფოთლებში ვიოლინოს სიმებივით შემოდის და ბლიკი თავს იწონებს ორად გაჭრილ მდელობით.

ოთხმოც წელი რომ შემისრულდა - იმაზე

ძლივს გუთანი მოვდე ყამირს, ძლივს გავავლე ჩემი კვალი, ვენახიდან ველარ გაველ, გზები თვითონ შევიკარი, ეგ რომელი სამართალით, შე საწყალი კაცის ბედო, ეს ამდენი წელიწადი თავი მუდამ ბელტზე მედო და ერთადერთს მე გამიჯდა მინისა და წვიმის სითბო, ღმერთო, როგორ დავილაღე ამ უაზრო სიცოცხლითო, უკან წულა მიმახედებ და ეს მაინც მაცოდინე – რა ისეთი დავაშავე, ამდენ ხანს რომ მაცოდვილებ, სხვათა ფიქრით გამორჩევა, რა სიკეთეს მომიტანო, როცა ბზაც და ძეძვის ბარდიც ლამაზად ჩანს შორიდანო, სხვა მადლია, ფერდობები აპრილს როცა წამოისხამს, მაინც ვერსად გაქცევი ვარამს არარაობისას, რათ, ბავშვობის სიდუხჭირვე – შემახსენე თავი, როგორ მინდა, როგორ მინდა, სამუდამოდ დავიძინო.

ოთხმოც წელს რომ გადმოვცდი, ახლა ამაზე

დაწყებულია ყოფნა ისედაც და ოთხმოც წელსაც რომ გადმოსცდები, სასაცილოა, თავს რომ იქცევდე ისეც ნატვრით და ისეც ოცნებით. არ ვჩივი, რაც რომ მოხდება მერე, მოლის ბიბინი მამშვიდებს დღესაც, მშვენივრად ვხედავ სიმღერის ფერებს, ჯერ კიდევ ვისმენ ფერების ხმებსა და ჩემად მიჩანს სათქმელი ესეც, რაშიც ვხედავდი სიცოცხლის მიზანს – წვიმის, ფშანის და გუბუსი მესმის, აგორებულ და ხავსიან ქვისაც, მაინც სატკივრად მექცა ყოველი და უარესი მჭირდა ფიქრითაც, გზა რომ შემიკრეს ჩრდილის მორევით, ვერ გამოვსულვარ დღესაც იქიდან. ღმერთო, მინისას ვერაფრით ვითმენ გვირაბის, თხრილის, არხის იარებს, შემინდე მოსვლა ამდენი ხნითა და ესეც – წასვლას რომ ვავკიანებ.

ტელევიზორთან

ბორბლებს ატრიალებს, თვალს აბრიალებს, დორბლებს აფრიალებს...
ქუჩურად გადაკეთებული გიორგი ქუჩიშვილის ლექსიდან „მლესავი ალექსი“

მომხედები ხოლმე რამდენჯერ თვალში, კახურად გითვლი იმდენ მოკითხვას (ბოლო სიტყვა რომ სარითმოდ ამშლის, სწორედ ის დროა, სული მოვითქვა) და როდის აღარ მიხტები შინა, ვერ ამინთია ეკრანი შიშით, მეც მახსენდება ამიტომ ხშირად შენი ოჯახი, გვარი და ჯიში... ჩაენაცვლება ბინდი დილასა და ჩათავდება სიბერის წლებიც და გული მწყდება მხოლოდ იმაზე, საპანლურედ რომ ვერაფრით გწვდები.

ლიბიის უღაბსო

დიმიტრი ამილახვრის მოსაგონარი ლიბიის უღაბსოშია დაკრძალული

ვგავდე ზღაპრად ნასროლ ისარს, ფიქრის ვიყო თითქოს: უღაბსოში ლიბიისა გავჩნდე ერთი დღითო, მავანს მინდა გაუუმხილო – ამ ხვატს ძებნით ვუძლებ, მინა ჩვენი, ნაკურთხი რომ არ დაჰყრია გულზე, ქართველისას, მაგრამ ელდად ფრანგი ოფიცრისო, ხამს უფალი, ნატვრად ჩემდა, ვინძლო, მოიცლისო – რაკი ასე მარონინებს, რწმენის მავსებს მადლი, თქმა არ უნდა, მაპოვნინებს ნაფარებულ ნაბდით. რა ხანია, არ მინახავს (სიზმრებიდან ვიცნობ) – მივეახლო ამილახვარს, ბატონ დიმიტრისო, ღვთით, აიკრავს ნება-ნება ცაც საწვიმარ ღრუბელს – გკადრებთ, თქვენო ბრწყინვალეებავ, უცხოოდ როგორ სუფევთ?

კახეთის რკინიგზა

(ჩემი ვენახისა და სახნავ-სათესის გზასა ჭრის)

ბალახბულახით დანავკიანდა, დაფარებია სიმწვანე ვაკისს, წვეთივით ველარ ხედავ ლიანდაგს და დღე წარსულის ნატვრაში გარბის: წერილს ვატანდით და ამანათებს, ბლომად მიჰქონდა საბაზროდ ხილიც, თან გვისწორებდა ხოლმე საათებს მატარებელი ლამის და დილის და მომავლისაც გვიჩნდა იმედად და გვიმდაფრებდა დიდობის სურვილს და მოუხსნელად დღემდე მიება ქვანახშირის და სადგურის სუნი, ნალვლის მოწოლად გვიღირს დანახვა, მაგრამ ვერაფრით გვერდს ვერ აუვლი: ახლა ვაკეზე ცხვარი ბალახობს – რის დარაჯი და რა შლაგბაუმი, ჯერ მარტო ჩრდილი ედება მხოლოდ, საცა ვაკისს მისწვდება ძეძვიც, ხვართქლის ყვავილი თეთრად ბოლავს და ნანახს უკანმიხედვით ებრძვი, აღარც პრიალი გაუდის რელსებს, არც დანიწკლულა ვაკისი ზეთით და მოგონებად გვიქციეს ესეც, და მტერთა ამდენ მზაკვრობას ერთვის, მიყოლებით რომ დამპალა შპალი – ხრემს ამჩნევია შავად ნაფხვენი, სჯობდა კი აქვე მეყვირა, ბარემ, რაც გინებით მაქვს გადასახვევი.

პოეზია



თამარ ჭიბაშვილი

ბაბუა ალუდაურს

იმღერე, ჯიგარი დაშაშხოს,
ძარღვებს დაუაროს გრიალით.
სხეულში ჩაგიდგეს ზარხოში,
სანამ განთიადი იალეზს.

მერე გადართქლილ სარკმელში,
როცა რიბირაბო მოხელთო, -
ცეცხლი შეუკიდე საკმეველს,
ხსოვნა ადღეგრძელებ მოყმეთა!

შესვი განთიადი თასიდან,
გულზე მოიფინე ცისკარი,
იტვირთე ტკივილი, აზიდე,
საგზადად მცირედი იკმარე!

სულაც არ იქნება იოლი
ხსოვნის მარადისი ტვირთება,
ხანდხან ბედისწერად იელვებს,
ხანაც შთაგონებად ინთება.

ვიცი, სიმარტოვე ძნელია,
ვერავის დაუნყებ მოლოდინს, -
ალსავლის კარებთან გელიან,
გასნი, გაიტანე ბოლომდი!

დილა სიდიკარში

ლ. ბიჭაშვილს.

ღამე სარკმელში მიიჭონება,
ვიცი, ქარები კბილით დახევენ.
ასე თანდათან და დაჭინებით
მეხსნება სიზმრის მკრთალი სახევეი.

ახლა თუ ყველა სხივმა ინათა,
თუ ყველა ხსოვნის ალი ავანთე,
სხვა შელამებას სადმე, მყინვართან,
მარადისობის ახლოს გავათევე.

გადავსდევ მერე ჯიხვების ფარას
და ბეჭზე დავცემ ოქროსრქებიანს.
შემომამშველეთ სიზმრები ჩქარა,
თორემ ვარსკვლავნი უკვე ქრებიან.

მგლისფერს გაიკრავს ცა გასარკული,
გადახვეს ზეცას კლდეთა ქიმები,
მხოლოდ ქარები თავგადაკლულნი
ნისლის სახევეით უაქიმებენ.

იღვრება მაინც სისხლი ხევშია,
დახანჯლულ ზეცას ეწვის აისი,
თუ ბუნვის ხიდზე გავლა მერჩია,
სულით ხორცამდე შენით ავივსე.

ჩემო მდინარე, იწყები აქვე,
მძივად ჰკიდისარ ჯერ კიდევ ქარაფს,
ხმასა და ფერებს ერთ სახელს ვარქმევ
და საიდუმლოდ ჩემს სულში ვმაღავ.

ნებდები მერე ბედის განგებას
და მონიჭებულ კალაპოტს ეძებ.

დააგდებ, თითქოს, იმ გაქანებას
და უხმაუროდ ჩამივლი გვერდზე.

მაგრამ ცოცხლობენ ჩემში ფერები,
სათავის განცდა ისევ აბორგდა,
უფრო ალერსით მოგეფერები,
ჯერ კიდევ სულის სამარაგოდა.

ახლა დილაა და შენს ტალღებში
მთათა ძარღვების რიტმი ხმინანებს,
ამიჯანყდება სისხლი ნაგეში,
შემოხვალ მზით და სათავიანად -

შემომანათებ სიმნუხარეში
ფიქრთა კეთილთა ხვავმადლიანო...

ქმური შეხუპრებით

შერმადინ ქალდანს

შენზე ზედმეტია ქება,
შენს სვანობას რა ვუთხარი,
შეაღწე ჯიხვის რქები
სირაჯხანებს და ლუდხანებს.

ახლა იმის აჩრდილი ხარ,
ჰადიში რომ ბალახს თიბდი,
პოეზიით დაჭრილი ხარ,
ლექსად უნდა ანათებდე.

შენ კი ახლა რით იგრილებ
არყით გახურებულ კეფას,
ერთხელ მაინც გადუგრგვინე
ამდენ ფინიების ყეფას.

მთვრალი ხარ, თუ ნასვამი ხარ,
დარდს სამარე გაუთხარე.
ასე მორცხვი რა სვანი ხარ,
შენს სვანობას რა ვუთხარი!

მზე დასავლისკენ მიესვენება,
ოთახს მიმწუხრის ფერი ედება,
არვის ახარებს ჩემი ხსენება, -
კეთილ სიტყვასაც არ იმეტებენ.

ღვინოში ჩავყრი ბოლმის ნაფლეთებს
და უნიჭობაც აღარ მახელებს.
თამბაქოს ბოლი შემომამფეთებს
გამოლენჩებულ წითელ სახეებს.

რამ მომიყვანა? ჩემი ბიჭები,
ალბათ, ღრეობენ სადმე უჩემოდ.
ოთახში ბოლო სხივი იჭრება,
კედელს ახალი დარდი უჩნდება, -

გადაქანდება გართხმულ ჩრდილებით
და სურათების აფართქალებით,
სადაც ლოდინით და მორჩილებით
დედიშობილა წვანან ქალები.

რალა ფასი აქვს ასეთ მოლოდინს,
შენ არ გეკუთვნის როდესაც იგი.
ვნებაჩამდგარი მზერა ბოროტი
გადიკარგება ჰორიზონტს იქით.

ჩემს ექსტაზს ახლა სითბო სწყურია,
მთრთოლვარე ბაგის ცხელი ალმური,
მოიწურება როცა სრულიად
შარბათი სხეულს გადაღვარული.

ახლა ალერსიც ძალზე მწყურია,
ნუ ვინ შემავლებს მზერას დამცინავს,
შთაგონებანი გაბანრულია,
ბედს სულ სხვა გზაზე გავუტაცვიარ.

ახლა ნუ მომთხოვთ განსჯას რაიმეს -
ეს ერთი ღამე მაინც მაცალეთ,
სანამ ნეტარი ჰყვავის ყვავილი,
ნუ გამაფხიზლებთ, თქვენ გენაცვალეთ!

ჩამეძინება ბოლოს მკვდარივით,
თავს დამადგება სხივი ელვარე

და ჩემს სიზმრებში კელაპტარივით
ამოენთება თეთრი მწვერვალი.

მთაზის სიმღერა

ყველაზე ადრე თენდება მთებში
და განთიადი იცრება ნისლში.
მელვრება მერე სინათლის თქეში,
სისხლში ქარიშხლის სიმღერა ისმის.

ქარაფებისკენ გაფრენილ ჯიხვის
რქებზე გაფენილ ნისლის მერდინებს,
ჩლიქდაკრული კლდე გულ-მკერდზე იხვევს,
რომ დილის ცვარი გადაედინოს.

იქნება სადმე კრთიან ზვავები
და აკანკალებთ რქათა ჯახანზე,
მოიღვენთება შორი ზმანება
ქარიშხლის ფრთებით გადანახაზი.

იქნებ არც იყო ეს მთები უნინ,
გაფიქრებაც კი საოცრად მზარავს,
თუ იყო ლტოლვა ზეცისკენ მიწის,
რეკავდა ღმერთის უენო ზარი...

ბედის განგება მდინარის თოკებს
ასე ეწევა ზღვისკენ ოდითგან
და ზარის ხმაზე იწყებენ როკვას
პოსეიდონი და აფროდიტა...

მთების ზარია, მამ, ეს ქუხილი,
თუ წარმართული სისხლის მოქეზე,
წუხელ სიზმარში ვილაც უხელო
წუხილით მხვევდა ელვის პროტეზებს

და მაგიური სითეთრე თოვლის
სუდარასავით ფერდობს ეფარა
და სინამდვილე, შემძვრელი ყოვლის,
ასე უჩუმრად წამოგვეპარა...

ახლა ერთია, ვისი სხეული
ყინულის ლოდად იყო ქცეული...
ქედზე ნისლები ჩამოხეული,
ქარაფს ყორანი მისდევს ეული...

ახლა ერთია, ვისი სხეული
მთების სიმღერად იყო ქცეული.
ახლა ერთია, სიჩუმე მეფობს,
თუ სადმე ახლოს ზვავი გრიალებს.

სხივო, სიცოცხლის უმანკო შხეფო,
სამარადისოდ დაიგვიანე...

დედის გოდება მომესმა წუხელ,
გაბრწყინდა ცრემლი თვალისმომჭრელად...
ჩვენს აზვავებას ქალაქში სწუხან,
წუხილი მთებზე არის მიჯრილი.

რა ვქნა, დიდ იმედს დავუცადე და
ახლა სტრიქონში უნდა ავღვარდე,
ხანდხან გავრინდდე, რომ უცაბედად
ა, იმ ზვავების მესმას ღალადი.

ზეცის მორღვევა ჩამწვდეს გულამდე,
ვინძლო ის დიდი ტკივილი ვიგრძნო,
სივრცის დაძახილს დავაყურადებ,
რომელსაც არ აქვს განი და სიგრძე...

და მესმის, რატომ კრთიან ზვავები,
რად აკანკალებთ რქათა ჯახანზე, -
მოიღვენთება შორი ზმანება
ქარიშხლის ფრთებით გადანახაზი.

ქარი კარვებქვეშ შეხიზნულ ლტოლვას
ჩამოურიგებს ნისლის ბარათებს
და შენ, ტკივილო, ამ მთების ტოლო,
საით, რა გზაზე აღარ დაგათრევ...

ნ ა უ რ ჯ ა თ ე ვ ი

— ქველი რვეულიდან

შემთავსებელი კარიერისტი

გაალაღა კუჭი, ფაშვი,
მაგრამ დაიფუშა კი...
მწერალია, ამავე დროს –
ხელძღვანელი მუშაკი.

დაბნეული

ჩემი ლექსი ვის უნდა,
კუდში მე ვის მივება...
გაგონილა ყველაფრის –
გაკოპერატივება?!

პროვოკატორი

შენი ყეფა და ლაქლაქი
სიბნელეზე გათვლილი,
ენატარტალავ, ღირსი ხარ –
სარი გაგირჭონ, გათლილი.

ხალხის „არჩეულ“ ხელისუფალს

მუხლზე დაგიჩოქებ,
სანთლად აგენტები,
ოღონდ მოგვაშორე
კრემლის აგენტები.

ცრუქაქუნა ბელადი ტრიბუნაზე

მიტინგები, მიტინგები...
ხან – ღრიალი, ხან – ტაში!
სად ეტევა ამოდენა
სიცრუე და შანტაჟი.

ღმერთმა შეაჩვენოს შენი
რეიტინგი, იმიჯი...
მართლა რამე რომ შეგეძლოს,
ვიცი, რასაც მიმისჯი.

გათელვა

რუსეთს ჩვენი მოდგმა მიწყვი
ტყუილებით უბერნია;
მისთვის რაა საქართველო?! –
ორი-სამი გუბერნია.

პოეტი და „ეროვნული“ მთავრობა

აშკარად ვხედავთ ტვინბნელთა,
პრიმიტიულთა პრიმატს...
პოეტი მონად დაუდგეს,
არავინ არ ღირს იმად.

დილის ფიქრი

ილუპება საქართველო!..
ტანში გამაძანძალა.
ორში ერთი უნდა გქონდეს –
ან ჭკუა და ან ძალა.

ურჩხული

არც მდიდარია და არც ღარიბი,
არც ევროპაა და არც აზია;
ერთა მოსპობის, გადაგვარების
უზარმაზარი მეტასტაზია.

მარტივი დაკვირვება

ვერ ივარგეს ქართველებმა,
თავს ვერ მოუარესო,

იმდენს იქმენ, არ ასცდებათ –
ხვედრი მოუარესო.

საკუთარი თავის მტრები

ყველაფერი დავანგრეთ,
დავწვით, გადავტრუსეთ;
ვთქვათ, ამოვწყდით, ამით შენ რა
გემატება, რუსეთო?!

გამაძლარნი

„მერსედესია“ მათი კარეტა,
ვხედავ, შიგნით და მოჩანს გარედან;
რა დამტკიცება სჭირდება ამას –
ეპოქა გვიდგას კვლავ ყვარყვარეთა.

ჩვენი დამლუპველი

არი შეჯიბრი, ვინ უფრო
გაქნილია და სწრაფია,
უსინდისობის სიმბოლო –
ჰყვავის ქართული მაფია,
ქურდი ჯიბის თუ ბინისა
მასთან უმწეო ღლაპია,
მივხედოთ, სანამ სამშობლო
მთლიანად ჩაუყლაპია.

უდარდელები

რა გულით გინდა, გული ალალო,
სუყველაფერი დაიშალა ხო,
რამდენი ვიცი, ქეიფობს ამ დროს –
დავლურს უვლის და ცეკვავს „შალახოს“.

მყვლეფავი ბანკები

ვილაც ნალდად შეშლილია
ან თვალთმაქცობს, განზრახ აფრენს –
ათასობით მენაბრე,
უკვე გახდა მეარაფრე.

იგივე დავრჩით

(მუცელს გადაყოლილები)
ვერც ცხრა ძმა ხერხეულიძემ,
ვერც არაგველმა სამასმა,
ვერ ჩაგვინერგეს კაცობა,
ვერ დაგვავინყეს ჭამა-სმა.

ცხინვალში ქართველთა დაბრუნებაზე ოთხმხრივი მოლაპარაკება

სიტყვა „ლტოლვილი“ რო მესმის,
შიგ გულში ეკლად მესობა,
ალარ გათავდა ხრიკები,
გაიძვერობა, ქლესობა,
ჩვენსავე მამულში გვაქციეს
ეროვნულ უმცირესობად.

გაცრუებული იმედები და ჩვენი სივლახე

მომავალში რაღას უნდა
მოველოდეთ გაეროსგან,
როცა ისიც კი ვერ შეძლო,
აფსუები გაეროზგა,
ჩვენც ვერარა დავაკელით –
ვერც არძინბას და ვერც ოზგანს.

რიტორიკული შეკითხვა

თუ შემცდარი ვარ, მეშლება რამე,
უფალო, შენ მაპატიე,
რა უნდათ ერთად – საქართველოს და
ამ პარაზიტულ პარტიებს.

იდეალური ოჯახი

დედა – კახპა, მამა – ლოთი,
შვილი დადის „მამალოთი“.

ობერ-ნადირალა

დაუდის მოსამსახურე,
ემსახურება მანქანა,
რა ნაგავიც ჰყავს მის პატრონს –
თვითონ არ იცის მან განა?

ხეს – უნაყოფოს, შხამიანს,
თავიდან არა ესხა-რა,
რყენის, ათახსირებს თაობებს
ბოროტი და მახეზლარა.

ძირში მოაჭრა, ახია,
ენა, ნალველში ნალესი,
და თავზე გადაახიო –
ლექსები უწყალწყალესი.

ჩვენი მიამიტობა

ჯობს, წერტილი რომ დაესვას
ფუჭ ცდებს, ხელის მოცარვებს –
გრაფიკს ვითხოვთ, აფსუები
უგრაფიკოდ გვხოცავენ.

უსაშველო

უთქვამს ბენ ჯონსონს, დიდ პოეტს,
ვერწმუნოთ – რა დაგვრჩენია,
„თანდაყოლილი სიბრიყვე
უკურნებელი სენია“.

ჩვენი ფალავანი

მომწონს ბრძოლა წიგნივადის,
შემართება რომ აქვს ვაცის:
ფვეროს თხრის და გვირგავს ხე-ხილს,
მტერს დაეცა იმის მეხი.

მახრჩობელა

უნამუსობა, გეთაყვა,
სად გაგონილა ეგეთი,
საქმის მკეთებელს, მენარმეს
კლავს სახელმწიფო რეჟეტი,
ის დროა, ყველა ამნაირს
შიგ თავში ჩასცხო ხელკეტი.

აფხაზეთი წაგლეჯილია

ჯანს, შერყეულს, არ ვჩივი,
არც ცარიელ ჯიბეს;
საქართველოს, საცოდავს,
თავი წააგლიჯეს.

თავს ვიქცევ

გაპრანჭვას ჯობს სადად ყოფნა,
სად რკინა და სად აგური,
ჯერ კი ვუძლებ, არ თავდება –
ყოფნა ჩემი, სადაგური,
შემიტყუა, ეს ქვეყანა
მახე არი, სათაგური.



მარინა ცვეტაევა

ბატონო თამაზ!

მოგესალმებით! თქვენთან ვართ და გვჯერა, რომ (თქვენული ღვანლის გათვალისწინებით) ქართულ მწერლობას მნიშვნელოვან სამსახურს კვლავ გაუწევთ. გიგზავნი თარგმანებს გაზეთისთვის. წინასწარი მადლობით, დიდი პატივისცემით – **შუშუნა ხაჯიშვილი, ზურაბ ფირცხალაიშვილი.**

ბათუმიდან

მადლობას გიხდით გულით და ხელით, სულით და გულით მადლობას გიხდით, მადლობას გიხდით, გიყვარდით ისე, რომ თქვენ თავადაც ვერაფერს მიხვდით. მადლობას გიხდით ამ სიმშვიდისთვის და იშვიათი შეხვედრებისთვის, მთვარიან ღამით, დაბინდებისას ჯერარშემდგარი პაემნებისთვის. რომ თავს არ გვადგას, გვირგვინის დარად, ჩვენ შარავანდი ცხელი და მწველი... ვნუხვარ, რომ ჩემით არა ხართ ავად, ვნუხვარ, რომ ავად არა ვარ თქვენით.

გაბეზრებული მტრებით და ძმებით და რუსულ სიტყვით – ყოველის დამთმენით,

ვერცხლის ჯვარს გულზე შევიბამ ნებით, პირჯვარს გადავინერ – და მოთმინებით იმ ძველ კალუგურ გზას დავადგები.

ჩემს ლექსებს, ადრე დანერგულ ლექსებს, (პოეტი ვიყავ – არც კი ვიცოდი) ვით შადრევნიდან ასხლეტილ შხეფებს, ვით ცხელ ნაპერწკლებს, ისე ვისროდი.

ცელქეშმაკუნებს, შემოჩვეულებს წმინდა ტაძარში, ზეთის სურნელზე, ლექსებს სიკვდილზე, სიყმანვილეზე – ჯერ ნაუკითხავ და უცნობ ლექსებს –

უჭირისუფლოდ მიმობნეულებს (რომ დასდებიათ დახლები მტვერი), ჩემს ლექსებს, როგორც ძვირფას ღვინოებს, მწამს, დაუდგება თავისი ჯერი.

თვალზე ცრემლი! ზარი სიყვარულის და რისხვის! ჩეხეთი ცრემლიანი! ესპანეთს ღებავს სისხლი!

ჰოი, შავი მთა როა, არ ლანდავს შუქი მცირეც! დროა, შემოქმედს, დროა, რომ ვუბრუნებდე ბილეთს.

ჩემი უარი – ყოფნას. უგუნურებთან ერთად ჩემი უარი – დგომას. იქ, მოედნებზე, მგლებთან

ჩემი უარი – ყმუილს. არ ვარ ზვიგენტა სწორი, იმათ გვერდიგვერდ ცურვით ფსკერისკენ დავყვე მორევს.

მზერა ვერ ატანს ბნელში და ჩემი სმენაც ყრუა. მაგ შენს სამყაროს შემლილს ერთ პასუხს ვაძლევ – უარს.

მომწონს, რომ ავად არა ხართ ჩემით, მომწონს, რომ თქვენით არა ვარ ავად, რომ ფეხქვეშ მინა მძიმე დ სველი არ გატოკდება სულისშემძრავად. რომ სასაცილოდ თავისუფალი არ ვთამაშობდე ყალბი სიტყვებით და არ გავნითლდე, როცა უბრალოდ ერთურთს თითებით ველაციცებით.

და კიდევ მომწონს, გიცქერით, როცა ეხვევით ვინმეს მოურიდებლივ და არ მიგზავნით გენას კოცონს, მეც საკოცნელად რომ არ მინდებოდა. რომ ჩემს ხსენებას სათუთად თქვენში არც დღით, არც ღამით არ გაუვლია, რომ დიდი ტაძრის სიმყუდროვეში არავინ გვეტყვის ალილუიას!..

უთავბოლო და უაზრო დღე მაქვს. ლატაკის კართან პურისთვის ვდგავარ, ფულის მქონებელს ფულს იქით ვაძლევ.

მზის ნათელს ნემსის ყუნწში ვატარებ, გასაღებს ქურდს და ოხერს ვაბარებ, ფერ-უმარილით ვინითღებ ღანვებს.

ლატაკს არა აქვს საწილო პური, მდიდარს არ უნდა ეს ჩემი ფული, ყუნწში რომ გაძვრეს, არ ძალუძს მზის სხივს.

არც გასაღები ქურდმა ინება, სულელს კი ცრემლი მოედინება უსახელო და უმაქნის დღისთვის.

როგორც ლურსმნით – ვმსჭვალავ შავი მიწის გულს. სულ ტყუილად ვწვალობ, სულ ტყუილად, სულ. მაგ ლურსმანზე მეტად ერთგული ვარ მე, აქ არა ხარ შენ და – აღარა ხარ შენ.

მზერას მოვწყვეტ მიწას, ცას მივანდობ თვალს, სულ ტყუილად გეძებ, ვერ ვპოულობ კვალს. სველ ბადიას ვხედავ, წვიმის წყლების ქერს, აქ არა ხარ შენ და – აღარა ხარ შენ.

იმ ორიდან ერთი ვით ვინამო, ვით? ან ნამეტურ – სულით, ან ნამეტურ – ძვლით. შენ სადა ხარ თვითონ, შენ სადა ხარ მთლად? იქ – ნამეტურ იქ, და აქ – ნამეტურ აქ.

ვერ გიმეტებ ქვიშად, ვერც ღვეთებად ცის, ვინც საშოდან იშვი, თვისად მერგე ვინც, მე შენს ყოფნას გვამად და ვერც ღანვად ვიქმ – აქ – ნამეტურ აქ და იქ – ნამეტურ იქ.

ეს არა ხარ შენ და – ეს არა ხარ შენ. გვიგალობონ თუნდაც ხუცეცხებმა ჩვენ საიქიო ყოფა რომ სიცოცხლეს ჰგავს, ღმერთი მეტად ღმერთობს, ჭია მეტად ხრავს.

ჩვენ არა ვცნობთ, არა – ღანდებსა და გვამს! ჩვენ არ მივცემთ, არა, სასაფლაოს ყვავილს საცეცხლურის კვამლს!

თუ სადმე ხარ, ისევ ჩვენში ხარ და პატივი დიდი რა იქნება სხვა: ნუ ვიხსენებთ წარსულს, ის გათიშვა გვძულს. შენ ნახვედი სულ და შენ ნახვედი – სულ.

მოსკოვთან ახლოს ლილისფერ ფიჭვნარს წვიმის ზარები ნელი-ნელ წინწკლავს. დადიან ბრმები კალუგის გზებით ჩვეულ კალუგურ სიმღერებითა... და მოგალობე უცხოელ მწირთა სახელებს რეცხავს მერე წვიმები. ვფიქრობ, ოდესმე მეც დავიღლები

ერთად რომ ვიყოთ, – ბედისწერამ შეგვყაროს ერთად – ო, რა მოლხენით ნავიდოდა დინება დღეთა! ქედს მოგვიხრიდა ქალაქები დიდი და ძველი, ძმავე უთვისტომოვ, მშობლიურო სულით და რწმენით.

ვით ჩაქრა ხიდზე ლამპიონი უკანასკნელი, მე – სამიკიტნოს დედოფალი, შენ – მბრძანებელი. ხალხნო, ჩვენს მეფეს ერთგულების მიეცით ფიცი! არსებას გიძღვნით დედოფალიც, – გჯეროდეთ მისი!

ერთად რომ ვიყოთ, – ბედისწერამ შეგვყაროს ერთად – სამეფო ზარი დარეკავდა მოხმობად ჩვენდა, მოსკოვ-მდინარეს გადაფრენდა ჭორი გნისათ ცრუ ხელმწიფეზე და მშვენიერ თვითმარქვიანზე.

გადაქანცულებს ხეტიალით, როკვით, სიამით გადაგვარწვედა, ძმაო ჩემო, ღამის ნიავიც – აბოლდებოდა გზა-ბილიკი სულ თეთრად, თეთრად – ერთად რომ ვიყოთ, ბედისწერამ შეგვყაროს ერთად!

ისევ ის სიყრმე, ადგილნი ცოდვის და კოცონებით ღამე მდიდარი. ჩემი ღვთიური ღირა, იცოდვე ნამდვილი დაა შენი გიტარის.

ჩვენ ერთნაირად ვართ დანინდული, რომ ქარბორბალა სულელებში ქროდეს. სულთა მძარცველი! – მეც ეს ტიტული, მეც ეს ნოდება აკვნიდან მომდევს.

მენდე, თითების ჯავრიან მტვრევით შენ არ ხარ მარტო, დღეთა ნისლელებში, ვინაც ბოშური დულილით, გზნებით ყმანვილ თავადებს ჭკუიდან შეშლის.

მარტო შენ როდი შეჰკიდებხარ ალესილ დანას სისხლის ცხელებით... ჩვენ სიყვარულშიც ნაღდი დები ვართ მაღალი გრძნობის ბინიერებით.

რუსულ ყანაში ჭვავის თავთავს ჩემი თავდახრა, ყანაში, სადაც დედაკაცი ჩაინაცრება... ო, მეგობარო! წვიმებია ჩემს ფანჯარასთან, სული შემიძრა ნეტარებამ და განსაცდელმა...

ისე ნაღდი ხარ წვიმისა და ჭირის ჰანგებში, ვით ჰომეროსი ჰეგზამეტრის ბნკარში მიცნია, მომეცი ხელი იმქვეყნიურ მყუდრო ნათელში! საამქვეყნიოდ ეს ხელები ვერ მოიცლიან.

თარგმანი
შუშუნა ხაჯიშვილი

